



Norges vassdrags- og energidirektorat v/Øystein Grundt

Delegert sak

023/19	Utval for Plan og Utvikling
--------	-----------------------------

Oppdatering av vilkår i konsesjonssak - Fossheim minikraftverk

Vedtak:

Jølster kommune gjev, i medhald av lov av 24. november 2000, nr. 82 om vassdrag og grunnvann (vassressurslova) § 8 og med tilvising til søknad datert 23.05.2018, Fossheim Småkraft SUS konsesjon til bygging av Fossheim minikraftverk i Jølstra i Jølster kommune i Sogn og Fjordane på følgjande vilkår:

1. Vassføring

I tida 01.05-30.09 vert det slept ei minstevassføring på 20 m³/s frå inntaket. Resten av året vert det slept 5 m³/s. I periodar der tilsiget er mindre enn krava til minstevassføring vert heile tilsiget slept forbi. Kraftverket skal i slike tilfelle ikkje vere i drift.

System for registrering og dokumentasjon av minstevassføringsdata skal etablerast. Løysninga skal godkjennast av NVE. Data skal takast vare på i heile anleggets levetid. På førespurnad skal data leggjast fram for NVE.

2. Tidsfrist for bruk av konsesjon

Konsesjonen fell vekk viss arbeidet ikkje er sett i gang innan fem år frå den dato konsesjonen vart gjeven, og om arbeidet deretter ikkje vert fullført innan 5 år frå oppstart, jf. vassressurslova § 19.

3. Konsesjonærens ansvar ved anleggsarbeid og drift m.v.

Når vitskaplege eller historiske grunnar eller området naturprakt eller eigenart tilseier det, pliktar konsesjonæren å sjå til at det ikkje vert gjort skade på natur, landskapsområde, kulturmiljø m.v.. Det gjeld både for han sjølv, hans kontraktørar og andre som har med anleggsarbeidet og kraftverksdrifta å gjere. Dersom det ikkje let seg gjere å hindre skade, skal rette myndigheiter varslast i god tid, på førehand.

4. Detaljplan, tilsyn, varslingsplikt m.v.

- Konsesjonæren pliktar å utarbeide og legge fram detaljert plan for vasskraftanlegget (inkludert avbøtande tiltak) og anleggsarbeidet. Arbeidet skal ikkje starte før detaljplan er godkjent av NVE/Jølster kommune.
- Konsesjonæren kan ikkje starte bygging før NVE har gjort vedtak om konsekvensklassifisering av dam og røyrgate. Konsekvensklassen er avgjerande for tryggleikskrava som vert stilt til planlegging, bygging og drift og han må difor vere på plass før arbeidet med tekniske planar startar. Viss dam og/eller røyr blir klassifisert (klasse 1-3), skal NVE v/seksjon for damtryggleik følge opp denne delen av bygginga.
- Dersom søkjaren ikkje gjer avtale med områdekonsesjonær om at områdekonsesjonæren skal byggje og drive nettilknyttinga, må det søkjast NVE om anleggskonsesjon. Anleggskonsesjon vil gjelde for elektriske anlegg i kraftverket og fram til tilknytingspunkt i

nettet. Dersom det er naudsynt med anleggskonsesjon for dei elektriske anlegga, må slik konsesjon ligge føre før bygginga kan starte.

- Anlegga skal vere solide og minst mogleg skjemmande. Dei skal, til ei kva tid, vere i fullgod driftsmessig stand.
- Konsesjonæren har plikt til å syte for at anleggsområda vert forsvarleg rydda opp. Oppryddinga må vere ferdig seinast 2 år etter at anlegget er sett i drift.
- Kommunen fører tilsyn med at utbygginga skjer i samsvar med konsesjonen og kan krevje retting etter vassressurslova § 59 og pålegge tvangsmulkt etter § 60
- Når kraftverket er sett i drift, fører NVE tilsyn med at konsesjonæren følgjer opp dei vilkåra som er sett i konsesjonen. Konsesjonæren må sende inn eit skjema for idriftsetjing til NVE. Han må også etablere og bruke eit internkontrollsystem for anlegget jf. Forskrift om internkontroll etter vassdragslovgjevinga.
- Konsesjonæren pliktar å varsle NVE om namne- og/eller adresseendringar. Ved eventuelt eigarskifte, for anlegget, skal NVE varslast på førehand.

5. Naturmangfald

Konsesjonæren skal syte for

- at anlegget valdar minst mogeleg skade på plante- og dyreliv, og at det ved behov, vert sett i verk avbøtande tiltak
- at aurens naturleg vandringsmønster let seg oppretthalde, på den elvestrekninga som vert påverka av utbygginga
- at anlegget vert utforma i samsvar med dei råda som er innhenta frå Rådgivende biologer AS (Notat datert 27. april 2018)
- at artar som vert rekna som eit trugsmål mot biologisk mangfald, i Noreg, ikkje vert spreidde som følgje av anleggsarbeidet eller drifta av anlegget

6. Friluftslivsaktivitet

Konsesjonæren skal syte for

- at friluftslivets bruks- og opplevingsverdiar i størst mogeleg grad vert tatt vare på i området som (direkte eller indirekte) vert påverka av anleggsarbeid og drifta av kraftverket. Om naudsynt må det setjast i verk kompensierende tiltak og/eller tilretteleggingstiltak.
- at mogelege avbøtande tiltak knytt til vassportaktivitet vert vurdert i samband med utarbeiding av detaljplan for anlegget

7. Automatisk freda kulturminne

Viss det viser seg at tiltaket kan skade/øydeleggje/flytte/endre/skjule eller på annan måte utilbørleg skjemme automatisk freda kulturminne skal fylkeskommunens kulturminneforvaltning varslast og arbeidet stansast i den utstrekning tiltaket røre ved kulturminnet, jf. lov av 9. juni 1978 nr. 50 om kulturminner § 8 andre ledd, jf. §§ 3 og 4.

8. Kulturmiljø

Konsesjonæren skal syte for at plassering og utforming av kraftstasjon og røyrgate vert gjort på ein måte som tek i vare eksisterande kulturmiljø.

9. Naturskade

- Dersom kraftverksanlegget fører til erosjonsskadar, fare for ras eller flaumskade, eller aukar

sannsynet for at slike skadar oppstår, kan NVE pålegge konsesjonæren å koste sikringsarbeid, heilt eller delvis. Sikringsarbeidet skal starte straks detaljane er fastlagt og

- må fullførast så snart som råd er.
- NVEs flaumsonekart for elvestrekningen bør nyttast til å plassere kraftstasjonen flaumsikkert.
- Nedgraving av vassveg må ikkje medføre at erosjonsvernet langs Jølstra blir dårlegare.

10. Ureining og støy

- Dersom anleggsfasen kan medføre spesielle ulemper for miljøet eller varer i lengre tid (jf. reglane for mellombels anleggsdrift i ureiningslova § 8), må den ansvarlege søkje Fylkesmannen om utsleppsløyve. Fylkesmannen er også generell styresmakt for støyutslepp frå industri med meir, og kan setje nærare krav etter ureiningslova.
- Konsesjonæren må vurdere om det er behov for støydempande tiltak knytt til kraftstasjonen, jf. T-1442 «Retningslinje for behandling av støy i arealplanlegging».

11. Offentlege vegar

- Løyve til utvida bruk av aktuelle avkøyrslar må hentast inn (frå Statens vegvesen) i samband med utarbeiding av detaljplan for anlegget.

Saksutgreiing:

Norges vassdrags og energidirektorat har gjort oss merksam på ein feil i eitt av vilkåra som vart sett for konsesjon gjeven i kommunestyresak 023/19. Dei skriv følgjande (i e-post datert 24.04.2019):
«Takk for oversendelse av konsesjonsvilkårene for Fossheim kraftverk. Vi skylder dere å gjøre oppmerksom på at det nok har sneket seg inn en liten feil i vilkåret om tidsfrister. Hovedregelen i § 27 er 3 års frist for oppstart av byggearbeid, men for kraftverk så er det 5 år, jf samme lovs § 18. Det vil vel være en formalitet for dere å endre det med et nytt vedtak som dere sikkert kan ta administrativt. (...)».

Det er openbert at feil paragraf har vore nytta med omsyn til å fastsetje frist. På denne bakgrunn vert konsesjonsvedtaket oppdatert med korrigert vilkår om tidsfrist.

Med helsing

Joar Helgheim
Tenesteleiar Næring og Miljø
57726121